



Norsk Forbund for
Utviklingshemmede

NFU Alver og Masfjorden lokallag

Innspel til fondsvedtekter for ferie- og fritidsreiser

Norsk forbund for utviklingshemma (NFU) Alver- og Masfjorden lokallag er positiv for at politikarane i Alver kommune har sett av 200.000,- til feriefond. Dessverre har ein i retningslinene for fritids- og feriereiser lagt inn ein så stor kostnad til lønsutgifter o.a, at fondet på langt nær kan gje eit bidrag som kan hjelpe dei fleste til å gjennomføre ei reise.

Ein tenestemottakar skal forutan eigne reise- og opphaldskostander for seg sjølv dekkje; *«Meirutgifter til løn, døgntillegg, diett, reise, opphald og eventuelle vikarutgifter, samt kansellering»*. For å kunne ta stilling til fondsvedtektene er det viktig å få avklart kva for ein kostnad ein faktisk kan rekne med å få ved ei reise. Det er fleire usikre faktorar;

- Vi reknar med at timetalet ein har fått i vedtak etter lov om kommunale helse- og omsorgstenester, vert halden utanfor kostnaden knytt til løn. Det er likevel slik at for mange er timetalet i vedtaket uklare. Korleis vert dette handtert?
- I retningslinene punkt 5 er det presisert at ein skal fylgje Arbeidsmiljølova kap 10, Hovedavtalen del A§4-3 og Sentral generell særavtale SGS1010. Ein skal være svært god kjend med desse dokumenta for å kunne få ei oversikt av kva det vil kunne innebære av ekstrakostnader.
- I kva tilfelle kan det være slik at ein må dekke vikarkostnader?

Føremålet med retningslinene er å legge til rette for at personar med nedsett funksjonsevne skal kunne gjennomføre ferie- og fritidsreiser med kommunal tenesteytar. Når ein ser framlegg til fondsvedtekter og kva kostnad dette kan medføre, spesielt for personar med store hjelpebehov, så er retningslinene fånyttas. Sjølv om ein doblar satsen på kr. 2.500,- er det til lite hjelp.

NFU Alver- og Masfjorden ber RMNF, Eldrerådet, Ungdomsrådet, Utval for Helse- og omsorg, om at ein i fondsvedtektene gjer det mogeleg å få dekkja ein større del av lønskostnadane. Slik at dei med størst behov for hjelp, har ein reel mogelegheit til å kunn reise.

For styret i NFU Alver- og Masfjorden lokallag,

Bjørn Gripsgård Knudsen, leiar.